

ХҮНДЭТЭ УНШАГШАД!

Декабриин 5-да 14.00 цагтаа 15.00 цаг болотор "Буряад үнэн" Хэвлэлэй байшан Буряад Республикын Правительствын Түрүүлэгшын социальна хүгжэлтын талаар орлогшо **Владимир Эдуардович МАТХАНОВТАЙ** "сэхэ утаһаар" хөөрэлдөө үнгэргэнэ. **21-50-96** утаһаар хандаха аргатайт.



ЭТИГЭЛЫН ХАМБЫН ЗАХЯАНУУД

15 Н.



1921 оной декабриин 21-нээ гарана

Буряад Үнэн

Эхэ нютагаа эб хамта мандуулая!

Бүгдэ арадай сонин



2012 оной ноябриин 29 Четверг

№ 47 (21895) (810)

Үбэлэй эхин сагагшан гахай харын 16 гарагай 5 www.burien.ru



ХАНИ БАРИСААГАА ХАМТА БЭХИЖҮҮЛЭЕ!



Буряад Республикын Соёлой министерство "Буряад үнэн" сонинной байшан Буряад Республикын Үндэһэтэнэй номой сан

Буряадай арадай поэт Цырендүлма ДОНДОГОЙН 80 жэлэй ойдо зориулагдһан уран зохёолой дурасхаалай үдэшэ

«Дүрөөгөө бүхэлөөд, уламаа шангадһаад, Дүрбэн зүгэй халхинтай урилдахам...»

Х.Намсараевай нэрэмжэтэ Буряадай гүрэнэй драмын театр Декабриин 7 17.00 цаг.



Буряадай арадай артист, Гүрэнэй шангай лауреат **Ч. РИНЧИНОВЭЙ** мүнхэ дурасхаалда

Юртэмсэ дэлхэйһээ холодон ошоһооршни, Арбаад жэл мэдэгдэнгүй үнгэрбэ. Жаран жэлэйшни ойн баяр Дүтэлэн ерэбэл шамгүйгөөр. Хэһэн ажалайшни намтар Түүхын хуудаһанда мүнхэрөөл.

Түрэл театрайшни тайзан Шаналан шамайгаа үгьлнэл. Хайран залуу наһандаа Хахасааш энэ дэлхэйтэй. Түрэл тоонто Буламшни Нэрэ сольеш үргэнэл. Сугтаа ажаллаһан нүхэдшни Хододоо шамайгаа дурдан, Мүнхэ һайхан дурасхаалыш Мүнгэн мэтэ сахинал. Олон олон образуудшни Арад зондо мартагдахагүй, Налгай һайхан сэдхэлшни Наран мэтэ һанагдахал.

Р. ТЫХЕЕВА.



РОССИИН гүрэнэй мэдэлтэй болоһоор 1150 жэлэй ойдо, мүн Бэе бээдээ эб нэгэн нүхэд ёһоор хандаха (толерантность) уласхоорондын үдэртэ зориулагдһан хани барисаанай концерт тээмэндэ Х.Намсараевай нэрэмжэтэ Буряад драмын академическэ театр соо ехэ зохидоор эмхидхэгдэжэ, республикадамнай ажаһуудаг элдэб арадуудай үндэһэн-соёлой түбүүдэй артистнууд бэлиг шадабарияа харуулһан байна.

9 Н.



БУРЯАД РЕСПУБЛИКЫН АРАДАЙ ХУРАЛАЙ ХҮДЭЛМЭРИИН ТҮСЭБ

2012 оной ноябриин 26-30 хүрэтэр

БУРЯАД РЕСПУБЛИКЫН АРАДАЙ ХУРАЛАЙ СОВЕДЭЙ ЗҮБЛӨӨН

Зүблэхэ зүйл:
1. Буряад Республикын Арадай Хуралай ээлжээтэ 31-дэхи сессидэ зүбшэн хэлсэгдэхэ асуудалнууд
29.11 10.00 Арадай Хуралай бага танхим

2. "Буряад Республикада юрэнхы нуралсалы мүнхэнэй талаар тэдхэхэ тухай" Буряад Республикын Хуулиие бээлүүлгын ябаса тухай

3. "Буряад Республикын экономикын шэнэ үүсхэлнүүдые нэбтэрүүлэн хүгжөөхэ тухай" гэхэн темээр парламентын уншалгануудые үнгэргэхэ тухай

Буряад Республикын Арадай Хуралай Хүндэлэлэй грамотаар шагнаха тухай

БУРЯАД РЕСПУБЛИКЫН АРАДАЙ ХУРАЛАЙ ТҮРҮҮЛЭГШЫН УЯЛГАНУУДЫЕ САГ ЗУУРА ДҮҮРГЭГШЭ А.С.КОРЕНЕВОЙ ДЭРГЭДЭ ҮНГЭРГЭГДЭХЭ ХҮДЭЛМЭРИЛГЫН ЗҮБЛӨӨН

Зүблэхэ зүйл:
1. Арадай Хуралай хороонуудай 2012 оной ноябриин 19-һөө 23 хүрэтэр дүүргэһэн хүдэлмэри тухай мэдээсэл (элидхэлшэд: хороонуудай түрүүлэгшэнэр)

26.11. 9.00 Арадай Хуралай бага танхим
2. Арадай Хуралай 2012 оной ноябриин 19-һөө 23 хүрэтэр үнгэргэгдэһэн хэмжээ ябуулганууд тухай эмхидхэлэй таһагай мэдээсэл (элидхэлшэ О.А.Бадлуев)

3. Арадай Хуралай хиналтын документнүүдые гүйсэдхэлгын байдал тухай эмхидхэлэй таһагай мэдээсэл (элидхэлшэ О.А.Бадлуев)

4. Буряад Республикын хуулинуудые федеральна хуули ёһонуудтай зохилдуулгын хойноһоо хиналта тухай (элидхэлшэ О.А.Бадлуев)

5. Арадай Хуралай 2012 оной ноябриин 26-һаа 30 хүрэтэр түсэблэһэн хэмжээ ябуулганууд тухай (элидхэлшэ О.А.Бадлуев)

6. 2012 оной ноябриин 19-һөө 23 хүрэтэр Хуули ёһоной управлениин дүүргэһэн хүдэлмэри тухай мэдээсэл (элидхэлшэ А.И.Ускова)

7. 2012 оной ноябриин 19-һөө 23 хүрэтэр Мэдээсэлэй-шэнжэлэлгын управлениин дүүргэһэн хүдэлмэри тухай мэдээсэл (элидхэлшэ Э.Б.Намдакова)

8. Арадай Хуралай ажал ябуулга тухай республикын хэблэлнүүдтэ 2012 оной ноябриин 19-һөө 23 хүрэтэр олондо мэдээсэл тараадаг хэрэгсэлнүүдтэ толилогдоһон материалнуудай шэнжэлэл тухай тусхай таһагай мэдээсэл (элидхэлшэ С.Б.Хайдапова)

БУРЯАД РЕСПУБЛИКЫН АРАДАЙ ХУРАЛАЙ ХОРООНУУДАЙ ЗҮБЛӨӨНҮҮД

Буряад Республикын Арадай Хуралай Бюджетэй, налогуудай болон финансын талаар хороон (түрүүлэгшэнэ Ц.Д.Э.Доржиев)

Зүблэхэ зүйл:
Буряад Республикын Арадай Хуралай гушан нэгэдэхэ сессидэ зүбшэн хэлсэгдэхэ асуудалнууд
28.11 15.00 Арадай Хуралай бага танхим

Буряад Республикын Арадай Хуралай Гүрэнэй байгуулалтын, нотагай өөһэдэн хүтэлбэриин, хуули ёһоной болон гүрэнэй албанай асуудалнуудай талаар хороон (түрүүлэгшэнэ А.С.Скоцырская)

Зүблэхэ зүйл:
Буряад Республикын Арадай Хуралай гушан нэгэдэхэ сессидэ зүбшэн хэлсэгдэхэ асуудалнууд
28.11 13.30 Арадай Хуралай бага танхим

Буряад Республикын Арадай Хуралай Газарай асуудалнуудай, аграрна политикын болон эд хэрэглэгын дэлгүүрэй талаар хороон (түрүүлэгшэнэ В.А.Павлов)

Зүблэхэ зүйл:
Буряад Республикын Арадай Хуралай гушан нэгэдэхэ сессидэ зүбшэн хэлсэгдэхэ асуудалнууд
27.11 10.00 каб.119

"Буряад Республикын ниитын палата тухай" Буряад Республикын Хуулиин 24-дэхи статьяда хубилалтануудые оруулха тухай" Буряад Республикын хуулиин түлэб тухай "Буряад Республикада эблэрүүлгын судьянарай тушаалда томилхо тухай" Буряад Республикын хуулиин түлэб тухай

Буряад Республикын Арадай Хуралай Социальна политикын талаар хороон (түрүүлэгшэнэ А.Т.Стопичев)

Зүблэхэ зүйл:
Буряад Республикын Арадай Хуралай гушан нэгэдэхэ сессидэ зүбшэн хэлсэгдэхэ асуудалнууд
28.11 10.00 Арадай Хуралай бага танхим

БУРЯАД РЕСПУБЛИКЫН АРАДАЙ ХУРАЛАЙ ХОРООНУУДА ТУХАЙ
Буряад Республикын Арадай Хуралай Бюджетэй, налогуудай болон финансын талаар хороон (түрүүлэгшэнэ Ц.Д.Э.Доржиев)

Зүблэхэ зүйл:
"2013 оной болон 2014 ба 2015 онуудай түсэблэлгын хугасагай республикын бюджет тухай" Буряад Республикын хуулиин түлэб тухай
26-27.11 Тусхай графигаар

Буряад Республикын Арадай Хуралай Гүрэнэй байгуулалтын, нотагай өөһэдэн хүтэлбэриин, хуули ёһоной болон гүрэнэй албанай асуудалнуудай талаар хороон (түрүүлэгшэнэ А.С.Скоцырская)

Зүблэхэ зүйл:
"Хуулиин хуули ёһонуудта зарим тэды хубилалтануудые оруулха тухай" Буряад Республикын хуулиин түлэб тухай
26.11 11.00 каб.323

Буряад Республикын Арадай Хуралай Газарай асуудалнуудай, аграрна политикын болон эд хэрэглэгын дэлгүүрэй талаар хороон (түрүүлэгшэнэ В.А.Павлов)

Зүблэхэ зүйл:
"Хүдөө ажахые хүгжөөхэ тухай" Федеральна хуулида хубилалтануудые оруулха болон хүдөө ажахын страхованиин талаар гүрэнэй дэмжэлгэ үзүүлхэ тухай" Федеральна хуулиин 2 ба 4-дэхи статьянуудта хубилалтануудые оруулха тухай" федеральна хуулиин түлэб тухай
19.11 15.00 каб.119

Буряад Республикын Арадай Хуралай Регионууд хоорондын, үндэһэтэнэй асуудалнуудай залуушулай политикын, ниитын болон шажан мүргэлэй нэгэдэлнүүдэй талаар хороон (түрүүлэгшэнэ В.Р.Булдаев)

Зүблэхэ зүйл:
"Буряад Республикын дэбисхэртэ ниитын хэмжээ ябуулгые үнгэргэхэ зарим тэды асуудалнууд тухай" Буряад Республикын хуулиин түлэб тухай
27.11.14.00 каб.212

Буряад Республикын Арадай Хуралай Социальна политикын талаар хороон (түрүүлэгшэнэ А.Т.Стопичев)

Зүблэхэ зүйл:
"Буряад Республикада үншэрһэн болон түрэлхидэй харууһагүй үлэһэн хүүгэдые социальна талаар дэмжэхэ тухай" Буряад Республикын Хуулида хубилалтануудые оруулха тухай" Буряад Республикын хуулиин түлэб тухай
26.11 15.30 каб.218

Буряад Республикын Арадай Хуралай экономическа политикын, байгаалин нөөсөнүүдые хэрэглэгын болон оршон тойронхые хамгаалалгын талаар хороон (түрүүлэгшэнэ В.Г.Ирильдеев)

Зүблэхэ зүйл:
"Буряад Республикын экономикые хүгжөөлгын хуули ёһонуудаар хангалга" гэхэн темээр парламентын уншалгануудые үнгэргэлгэдэ бэлэдхэлэй ябаса тухай"
29.11 14.00 каб.211

Эльвира ДАМБАЕВА оршуулба.

"Гуа сэсэн хатан - 2012" гэхэн конкурсдо

ХҮНДЭТЭЙ ҮҮРГЭ ДҮҮРГЭНЭ

Республикын Үндэһэтэнэй нэгэдэхэ лицей-интернадай хүмүүжүүлгын хүдэлмэриин талаар директорэй орлогшоор Любовь Бадмацыреновна ЦЫРЕНЖАПОВА 5-дахи жэлээ хүдэлжэ байна. Урид хүмүүжүүлэгшээр 10 жэлдэ хүдэлөө.

Л.Б. Цыренжапова 1982 ондо Буряадай багшанарай эхин нуралсалай факультет дүүргээд, Бэшүүрэй, Мухар-Шэбэрэй, Захааминай нургуулинуудта эхин классай багшаар, нуралсалай болон хүмүүжүүлгын талаар хүдэлмэриие даагшаар хүдэлжэ, мэргэжэлэй ехэ дүй дүршэлтэй болоһон байна.

Наһанайнь хани нүхэр Буянто Батуевич Цыренжапов бэе тамирай талаар хүмүүжүүлдэг багшын мэргэжэлтэй. Мүнөө үедэ республикын спортын талаар агентствэдэ хүдэлнэ. Нургагшын ажалай харюу-

усалгын шанга, жэл ерэхэ бүри эрилтэ ехэтэй боложо байһыень найн ойлгодог тэрэ нургуулида хүдэлжэ байһан хани нүхэрөө дүмүүхэн анхараалаар хүрээлнэ.

Багшанарай бүлын Арслан Эржена хоёр үринэрын юрист мэргэжэлтэй, ажабайдалаа батаар зохёон, наһанайнгаа ханинартай хамта арад зоной аша туйһын түлөө оролдон хүдэлнэ. Любовь Бадмацыреновна Буянто Батоевич нүхэртээ ашатайхан ажаһууна. Хүгшэн эжы аба хоёр наһан эдхэхэлын эзэлдэг Санжи-Сүрэн аша хүбүүтэй, Нангин-Эрдэни гэжэ зээ басагатай болонхой.

Л.Б.Цыренжаповагай багша болохо замынь түрэл нотагайнь нургуулиһаа эхитэй. Эхин класста бэлигтэй багша Евгения Батожаргаловна Шагдароновада заалгажа, багаһаа багшын ажал найхашаһан байна. Эрдэмэй орон руу аяншалгые хүүгэдэй дура булямаар эм-



хидхэн ябуулжа, наһан соонь мартагдахагүй хэшээлнүүдые үнгэргэжэ, басаганай саашанхи хуби заяандан энэ багша нүлөөлһэн габьяатай. Дуратай багшынгаа жэшээгээр багашуулай нургагша болохо хүсэлөө маргангүй, тэрэ томо болоод бээлүүлээ. Тиэхэдэ Л.Б. Цыренжаповагай энэ мэргэжэл шэлэл-

гэдэ абын эгэшэ, нотагай нургуулиин директор байһан, РСФСР-эй нургуулинуудай габьяата багша Ц.С. Очирова, тиэхэдэ дүү хүбүүниинь, Буряадай АССР-эй габьяата багша А.С. Очиров, хуушан монгол бэшэг мэдэдэг байһан үбгэн абань Санжи-Сүрэн Туманович Очиров гэгшэд баһал нүлөөлһэн байна. Эрдэм номдо хурса басаган нургуулиин ниитын ажабайдалда эдэбхитэйгээр хабаададаг хэн. Аха классуудта комсомолой эмхиин секретаряар тэрэ хүдэлһэн байна. Тиимэхэ эмхидхэгшын, уда-ридагшын шадабари тэрээн-дэ багаһаа байгаа.

Любовь Бадмацыреновна Цыренжапова энэ нургуулида 31 хүмүүжүүлэгшын, нэмэлтэ нуралсалай 15 багшанарай хүдэлмэриие харгалзалдаг. Мэргэжэлэй дээдэ шадабаритай олон багшанар, хүмүүжүүлэгшэдтэй хамта түрэлхи хэлэ, ёһо заншал найн мэдэхэ, ехэ эрдэм мэдэ-

сэтэй, үндэһэтэнэй мэдэрэлтэй хүүгэдые хүмүүжүүлхэ, тэдэнэй талаан бэлигые хүгжөөхэ гэжэ Любовь Бадмацыреновна оролдон ажаллана.

Ниислэл хото зөөжэ ерээд байхадаа, имагтал энэ нургуулида хүдэлжэ гэжэ тэгүүлһэниинь ушартай юм. Юуб гэхэдэ, өөрынгөө үедэ эжы аба хоёрын, Бадмацырен Санжиевич, Дара Аюшевна Очировтан, энэ эрдэмэй гуламтада нурһан юм. Тиимэхэ гэртэһинэйнгэ найханаар дурсан наһаа ябадаг нургуулида хүдэлжэ байһандаа тэрэ баяртай ябадаг.

Буряад арадайнгаа хүлдэ дэгжээхэ, алдар сольень арьбадхаха хүбүүд басагадые нурган хүмүүжүүлжэ, багшын хүндэтэй үүргые дүүргэжэ, ашатын буян эдлэжэ, хүндэ ямбада хүртэжэ ябахыень Любовь Бадмацыреновна Цыренжаповада хүсэе.

Эльвира ДАМБАЕВА, манай корр.



Понедельник, 3

ПЕРВЫЙ КАНАЛ

Table with 2 columns: Time and Program Name. Includes programs like 'ДОБРОЕ УТРО', 'КОНТРОЛЬНАЯ ЗАКУПКА', 'ЖИТЬ ЗДОРОВО!', etc.

«РОССИЯ 1»

Table with 2 columns: Time and Program Name. Includes programs like 'УТРО РОССИИ', 'ВЕСТИ-БУРЯТИЯ. УТРО', '1000 МЕЛОЧЕЙ', etc.

Table with 2 columns: Time and Program Name. Includes programs like '«ЦЫГАНЧОКА С ВЫХОДОМ»', '«СПОКОЙНОЙ НОЧИ, МАЛЫШИ!»', etc.

КУЛЬТУРА

Table with 2 columns: Time and Program Name. Includes programs like '«ЕВРОНЬЮС»', '«НАБЛЮДАТЕЛЬ»', '«ЛЕГЕНДА О ТИЛЕ»', etc.

ТНТ

Table with 2 columns: Time and Program Name. Includes programs like '«НЕОБЪЯСНИМО, НО ФАКТ»', '«ВСЯ БУРЯТИЯ»', etc.

Table with 2 columns: Time and Program Name. Includes programs like '«СМЕШАРИКИ»', '«АРИГ УСЕ»', '«ВСЯ БУРЯТИЯ»', etc.

ТИВИКОМ

Table with 2 columns: Time and Program Name. Includes programs like '«БАЙКИ В БАНЬКЕ»', '«ВКУСНО»', '«В ТЕМЕ. ЛУЧШЕЕ»', etc.

Table with 2 columns: Time and Program Name. Includes programs like '«АТЛАНТИДА»', '«ПРОЩАЙТЕ, ДОКТОР ФРЕЙД»', '«ЗОЛОТАЯ ТЕЩА»', etc.

СТС

Table with 2 columns: Time and Program Name. Includes programs like 'ПРОГНОЗ ПОГОДЫ ПРОФИЛАКТИЧЕСКИЕ РАБОТЫ ДО 13:30.', '18.50, 20.05, 21.55, 23.45, 00.05, 00.50, 01.30, 01.50 МЕТЕОМИКС', etc.

НТВ

Table with 2 columns: Time and Program Name. Includes programs like '«НТВ УТРОМ»', '«ВОЗВРАЩЕНИЕ МУХТАРА»', '«ОБЗОР ЧРЕЗВЫЧАЙНОЕ ПРОИСШЕСТВИЕ»', etc.

5 КАНАЛ

Table with 2 columns: Time and Program Name. Includes programs like '11.00, 13.00, 16.30, 19.30, 23.00 «СЕЙЧАС»', '«ПЛАНЕТЫ»', etc.

Вторник, 4

ПЕРВЫЙ КАНАЛ

Table with 2 columns: Time and Program Name. Includes programs like 'ДОБРОЕ УТРО', 'КОНТРОЛЬНАЯ ЗАКУПКА', 'ЖИТЬ ЗДОРОВО!', etc.

«РОССИЯ 1»

Table with 2 columns: Time and Program Name. Includes programs like 'УТРО РОССИИ', 'ВЕСТИ-БУРЯТИЯ. УТРО', 'ТАЙЗАН', etc.

Table with 2 columns: Time and Program Name. Includes programs like '«КРОВИНУШКА»', '«КРУЖЕВА»', '«СПОКОЙНОЙ НОЧИ, МАЛЫШИ!»', etc.

КУЛЬТУРА

Table with 2 columns: Time and Program Name. Includes programs like '«ЕВРОНЬЮС»', '«НАБЛЮДАТЕЛЬ»', '«ЛЕГЕНДА О ТИЛЕ»', etc.

ТНТ

Table with 2 columns: Time and Program Name. Includes programs like '«ВОСТОЧНЫЙ ЭКСПРЕСС»', '«УТРЕННЕЕ ШОУ «ТЭЦ-3»', etc.

Table with 2 columns: Time and Program Name. Includes programs like '«ВЕСЕЛЫЕ МЕЛОДИИ»', '«ЖИЗНЬ И ПРИКЛЮЧЕНИЯ РОБОТА-ПОДРОСТКА»', '«ПИНГВИНЫ ИЗ МАДАГАСКАРА»', etc.

ТИВИКОМ

Table with 2 columns: Time and Program Name. Includes programs like '«СЕРЕДИНА ЗЕМЛИ»', '«ТОЧКА ЗРЕНИЯ»', '«ВОСТОЧНЫЙ ЭКСПРЕСС»', etc.

Table with 2 columns: Time and Program Name. Includes programs like '«ШЕРЛОК ХОЛМС»: «ЗНАК ЧЕТЫРЕХ»', '«ЗОЛОТАЯ ТЕЩА»', '«ЛИЧНОЕ СЧАСТЬЕ»', etc.

СТС

Table with 2 columns: Time and Program Name. Includes programs like '05.55, 07.00, 09.20, 11.05, 12.05, 13.05, 17.05, 18.50, 20.05, 21.55, 23.45, 00.05, 00.50, 01.30, 01.50 МЕТЕОМИКС НА СТС-БАЙКАЛ (0+)', etc.

НТВ

Table with 2 columns: Time and Program Name. Includes programs like '«НТВ УТРОМ»', '«ВОЗВРАЩЕНИЕ МУХТАРА»', '«ОБЗОР ЧРЕЗВЫЧАЙНОЕ ПРОИСШЕСТВИЕ»', etc.

5 КАНАЛ

Table with 2 columns: Time and Program Name. Includes programs like '11.00, 13.00, 16.30, 19.30, 23.00 «СЕЙЧАС»', '«ПЛАНЕТЫ»', etc.

Среда, 5

ПЕРВЫЙ КАНАЛ

Table with 2 columns: Time and Program Name. Includes programs like 'ДОБРОЕ УТРО', 'КОНТРОЛЬНАЯ ЗАКУПКА', 'ЖИТЬ ЗДОРОВО!', etc.

«РОССИЯ 1»

Table with 2 columns: Time and Program Name. Includes programs like 'УТРО РОССИИ', 'ВЕСТИ-БУРЯТИЯ. УТРО', 'БАМБААХАЙ', etc.

КУЛЬТУРА

Table with 2 columns: Time and Program Name. Includes programs like '«ЕВРОНЬЮС»', '«НАБЛЮДАТЕЛЬ»', etc.

Table with 2 columns: Time and Program Name. Includes programs like '«ЛЕГЕНДА О ТИЛЕ»', '«МАРРАКЕШ. ЖЕМЧУЖИНА ЮГА»', '«НЕЗАМЕЧЕННОЕ ПОКОЛЕНИЕ ВЛАДИМИРА ВАРШАВСКОГО»', etc.

ТНТ

Table with 2 columns: Time and Program Name. Includes programs like '07.00, 08.30, 23.00, 00.30 «ВОСТОЧНЫЙ ЭКСПРЕСС»', etc.

Table with 2 columns: Time and Program Name. Includes programs like '«НОВОСТИ ШОПИНГА И РАЗВЛЕЧЕНИЙ»', '«ГУМАНОИДЫ В КОРОЛЕВЕ»', '«ПРИКЛЮЧЕНИЯ ДЖИММИ НЕЙРОНА»', etc.

ТИВИКОМ

Table with 2 columns: Time and Program Name. Includes programs like '01.00 «МАТЕРИНСТВО»', '06.05, 20.05 «СЕРЕДИНА ЗЕМЛИ»', etc.

Table with 2 columns: Time and Program Name. Includes programs like '09.30, 11.00, 12.00, 13.00, 14.00, 16.00, 17.00, 19.30, 21.30, 23.00, 23.00, «НОВОСТИ ДНЯ(16+)»', etc.



Шажан мүргэл

ЯНЖИМА БУРХАНАЙ МҮНДЭЛЬЭН ГАЗАРТА

Баргажанай аймагай Яаригта нютагай зүүн талада, Хурамхаан тээшэ зурыһан гол харгыһаа хойшоо Янжима бурханай мүндэлһэн газарта ехэ барилга хэгдэжэ байнхай. Баргажанай дасанай мүнөө уеын байдлаар һонирхожо, тэрэнэй шэрээтэ лама Цыден НАМЖИЛОВТАЙ манай корреспондент хөөрэлдэһэн байна. Энэ хөөрэлдөөн - уншагшадай анхаралда.

- Дасанай ламанарай мүнөөнэй ажал хэрэгүүд тухай тодорхойгоор хөөрөжэ үгыт?

- Эндэ баригдаһан дуган болон бусад шэнэ барилгануудһаа гадна Янжима бурханай ордон болохо Согшон дуганай гурбан дабхар байшан бодхоогдоо. Нэгдэхэ дабхарын шулуугар баригдаа, газар талаһаань хирпиисээр дабхар хана хэгдэжэ гоёогдоо. Харин хоёрдохи, гурбадахи дабхарын модоор баригданхай. Нууринь 18х18 дүрбэлжэн метр, үндэрын 16 метр. Зурагаараа анхан байһан Баргажанай ехэ дасанай түхэлтэй адлихан, гансал нууринь багшаг болгогдонхой. Урдань Баргажанай дасан аргагүй томо дасан байһан ааб даа. 500-гаад ламанар нуудаг байгаа. Согшон дуган хадаа "Байкалпроект" бүлгэмэй проектээр бүтээгдэжэ байна. Үшөө айлшадай бууха гостиница, гэрнүүд баригдажа байнхай.

Ондоо тээһээ хүнүүд ерэнэ, хонохо газар хомор. Үбэл, зунгүй мүргэлшэдые хүлээн абаха дулаан байра байдал түхээрхэ ханаатайбди. Ламанарта гэрнүүдые баринабди. Мүнөө жэлдэ нэгэ гэр бариха гэжэ ажал ябуулжа байнабди.

- Буряад орондоннай дасан, дугангуудые һэргээлгэдэ, барилгада арад зон ехэ туһалжа байдаг. Эндэхи дасанай барилгада нютагаархидтай шадал зэргээрэ туһална еһотой?

- Согшон дуганаа барижа байхадаа, эмхидхэлэй хороон байгуулһан байнабди. Тиихэдэ тэдхэмжын совет байгуулагданхай. Нютагаймнай хүнүүд тэрэнэй бүридэлдэнь оронхой. Арад зоной хүсөөр баригдажа байнхай. Тиихэдэ Арадай Хуралай түрүүлэгшэ М.М. Гершевич, "Икат-плюс" эмхиин дарга Б. Л. Очиров, "Барис" гэхэн рекламны агентствын дарга Б. Б. Доржиев болон бусад манай нютагһаа гараһан хүнүүд ехэ туһалдаг.

- Жэл бүри Янжима бурханда зорюулагдаһан уншалганууд бүтээгдэдэг болонхой. Хамба лама Дамба Аюшеев түрүүтэй республикын дасангуудай шэрээтэ ламанар иишэ морилжо, эдэ хэмжэ ябуулгануудта хабаададаг. Энээн тухай хэлэжэ үгыт?

- Жэл бүри Янжима бурханай найр үнгэрэгдэбди. Янжима бурханай магтаалын уншадаг, мандал үргэдэгбди.



Тиигээд заабол эрын гурбан наадан үнгэрэгдэдэг.

- Дасанай ламанар хэр олон бэ?

- Манай дасанда мүнөө дээрээ 7 ламанар, 6 хубарагууд тоологдоно. Тэдэнэй 6-ниинь Янжима бурханай ойрохи дуганда, харин нэгэ ламанай Баянголой дуганда хүдэлнэ. Эдэ ламанарнай Ивалгын дасанай дэргэдэхи шажанай гургуули дүүргэнхэй.

- Дасантай ямар сахюусантай?

- Жамсаран, Шалши сахюусантай. Үдэр бүри сахюусан хуралаа хурадагбди. Зундаа үглөөнэй 9 саһаа 11 хүрэтэр, үбэлдөө 10 саһаа 12 час хүрэтэр. Монгол харын 8-да Отошо, 15-да Намчиг Нинбо, харин 30-да Мандал Шива хурадагбди. Тиихэдэ Алтан гэрэл, Сунды, Жадамба, Та-

бан харюулга, Цедо болон бусад номуудые үдэр гаргаад уншадагбди. "Баргузинская правда" сониндо хуралнуудай болохо үдэрын тунхалгадаг.

- Хүн зоной дунда гэгээрүүлгын ямар хүдэлмэри ябуулнабта?

- Аймагай сониндо бурхан шажан тухай статьянууд хэблэгдэдэг. Хуралнуудай еһо ямар байнаб, юунэй түлөө уншагдадаг бэ гэжэ манай ламанар тайлбарилан бэшэдэг. Тиихэдэ аймагай полици, Баргажанай хүүгэдэй байшан, гүрэнэй автоинспекцитэй хамта хуулийн наһа хүсөөдүй хүүгэдые гэмтэ ябадалнуудһаа һэргылхэ хүдэлмэри ябуулдагбди. Жэлэй нэгэ дахин Янжима бурхан тухай сэтгүүл бэлдэжэ гарганабди. Редакционно

коллективдэ хоер лама, библиотекарь мэргэжэлтэ ородог. Согшон дуганаа нээлгын баяртай дашарамдуулан, ном гаргаха ханаатай байнабди.

- Цыден ламхай, Та саашадаа ямар хэрэг ябуулха түсэбтэй байнабта?

- Согшон дуганаа барижа дүүргэхэ хэрэгтэй. Хушаха, доторнын гоеохо, шэмэглэхэ гэхэһээ эхилээд, ажал ехэ байна.

- Хэр холоһоо мүргэлшэд танай дасан ябана гээшэб?

- Росси гүрэнэй бүхы можо нютагуудһаа хүнүүд харгылдаг болонхой. Москва, Санкт-Петербург, Томск хотонуудһаа, Алтайн хизаарһаа хүнүүд олоороо ябана. Тиихэдэ хари гүрэнэй айлшад таһардаггүй. Үнгэрһэн зундаа Германи, Франци, США гүрэнүүдэй эрхэтэд Янжима бурханда мүргэхээ ерэнэн байна. Улаан-Үдэһөө наашаа зурыһан харгы заһабарилгадажа байна. Баргажан хүрөөд байна. Саашань барижа ажал ябуулгана. Манай нютаг мүргэлтэй газарнуудаар, аршаан булагуудаар элбэг. Уланда-нюдэнэй, Баянголдо-хотын, тиихэдэ Барханай, Бүгсэхөөнэй, Хүшэгөөрэй гээд тоолохо болоо наа, олон даа. Дардам асфальт хушалтатай харгы бүтэхэдөө, аянда ябаһан зондо найн болохол даа.

Эльвира ДАМБАЕВА хөөрэлдэбэ.

"Галхан" – хүгжэмтэ-литературна салон

ДҮРБЭН ТЭГШЭ БЭЛИГТЭЙ

Хурамхаанай аймагта драматическа талаан бэлигтэй зон олон түрэдэг гэжэ тэндэ үнгэрэгдэдэг олон тоото арадай театрнуудтай аймагай заншалта болоһон фестивальнууд гэршэлдэг юм.

Дуулаха, шүлэг, дуу зохёохо, артистын онсо арга шадабаритай, солотой, нэрэ зэргэтэй соёлшод, бэрхэ хүтэлбэрилэгшэдэй, искусствын уран бэлигтэнэй олон байһан ушарнууд гайхалтай найхан байгааһаань, нютагуудайн бурхадһаа үршөөлтэй ха гү даа гэжэ ханахаар байдаг. Аргада нютагта 1953 оной январийн 25-да түрэн Владимир Очирович Бухаев баһааа хүгжэм дуунда дуратай байжа, 1976 ондо Улаан-Үдын 1-дэхи багшанарай хүгжэмтэ училищын хүгжэмэй таһагта нуража дүүргээд, Д.Банзаровай нэрэмжэтэ БГПИ (түүхын факультет) 1985 ондо түгсэхэн байна.

Түрэл нютагаа бусаһан залуу мэргэжэлтэ хүгжэмэй багшаар нургуулидаа амжалтатай ажаллаад, удаань 1979 онһоо Хурамхаанай, Барханай дунда нургуулинуудта бэлиг шадабарияа харуулба. "Хараасгай" гэхэн Барханай хүүгэдэй саадта хүгжэмэй хүтэлбэрилэгшөөр хүдэлжэ, бишыхан хүүгэдые дуулажа, хатаржа нургаһан байна. 2012 оной апрелдэ һараһаа Улаан-Үдэ хотын захиргаанай соёлой комитедэй мэдэлэй "Ави-

атор" гэхэн соёлой байшанда "Амар сайн" гэхэн буряад дуунай ансамблиин хүтэлбэрилэгшөөр ажаллажа, баян дүршэлөө, бэлиг шадабарияа соёлой хүдэлмэридэ зорюулжа байдаг ехэ бэрхэ уран найханай хүтэлбэрилэгшэ болонхой юм.

Буряад Республикын соёлой габьяата хүдэлмэрилэгшэ, Буряадай Уран зохёолшодой холбооной гэшүүн, Барханай арадай театрай артист, олон тоото арадай театрнуудай фестивальнуудай лауреат, "Эрэ хүнэй эрхим роль гүйсэдхэгшын" шанда хүртэгшэ (1998 он), түүхшэн-хизаар шэнжэлэгшэ, уран зохёолшо, дуушан, дуу бэшэгшэ-композитор, "Жэлэй эрхим дуун" гэхэн конкурсын дипломдо хүртэгшэ Владимир Очирович "Алтаргана-2006" гэхэн VII уласхоорондын фестивалиин дипломдо хүртэһэн, "Пегас над Хамар-Дабаном" гэхэн поэзийн марафондо, бусад олон конференцинүүдтэ хабаадаһан байха юм.

"Боолон-Түмэр" гэхэн Хурамханай аймагай литературна нэгдэлэй гэшүүн, "Огни Курумкана" газетын штатна бэшэ корреспондент олон ном, нэрлэбэл, "Бархан", "Барагханский народный театр" гэхэн номуудые барлан гаргаһан габьяатай. "Алтан гургалдай-2012" гэхэн республиканска конкурсын, Даша-Доржо Этигэловэй нэрэмжэтэ уласхоорондын фестивалиин дипломдо, мүн "О золотом крае Бичуры" гэхэн



конкурсдо "Алтан шэнги Алташам" гэхэн дуунайгаа түлөө дипломдо хүртэһэн Владимир Бухаев "Песня Булата на Байкале" гэхэн регионуд хоорондын фестивалда хабаадаба.

Дүрбэн тэгшэ бэлигтэй Владимир Очирович "Галханаймнай" айлшан боложо, зохёолнуудта яа – шүлэгүүд, дуунуудта яа уншагшадыемнай танилсуулна. Дуу, шүлэг бэшэхэ онсо шадабаритай, солотой, нэрэ-тэй соёлшондо, бэрхэ уран найханай хүтэлбэрилэгшэдэ зохёохы амжалта, шэнэ "захатые" бүтээхыень, найхан дуунуудаараа арад зоноо баясуулхыень хүсэ!

Бэлигма ОРБОДОЕВА, журналист, Буряад Республикын соёлой габьяата хүдэлмэрилэгшэ.

НАРАТА ҺАЙХАН БУРЯАДНИ

Үгэнь Гунзэн-Норбо Гунзыновай Хүгжэмьнь Владимир Бухаевай



Нарата һайхан Буряадни, Наһанай алтан үлгы. Наһша сэсэгээ дэлгээһэн Нангин дулаахан нютагни.

Дабталга:

Сайн байна, Буряадни, Сайн байна, нютагни, Сэдьхэлэйм баян хэшэг Сэсэгээр бадаран байнаш.

Дуулим һайхан Буряадни, Дуранай алтан үлгы. Дулаахан элшээ дэлгээһэн Дуратай нангин нютагни.

Дабталга.

Сэлгээ һайхан Буряадни, Сэдьхэлэйм алтан үлгы. Сэсэг наһшара дэлгээһэн Сэбэр дулаахан нютагни.

Дабталга.



“Бүхы Буряад орон” гэнэн концерттээ тэмдэглэл

ХАНИ БАРИСААГАА ХАМТА БЭХИЖҮҮЛЭЕ!

Россиин гүрэнэй мэдэлтэй болохоор, 1150 жэлэй ойдо, мүн Бэе бээдээ эб нэгэн нүхэд ёһоор хандалгын (толерантность) уласхоорондын үдэртэ зориулагдан хани барисаанай концерт тээмэндэ Х.Намсараевай нэрэмжэтэ Буряад драмын академическэ театр соо ехэ зохидоор эмхидхэгдэжэ, республикадамнай ажаһуудаг элдэб арадуудай үндэһэн соёлой түбүүдэй артистнууд бэлиг шадабария харуулһан байна.

“Республикынай эгээл ехэ баялиг, үндэр амжалтамнай гэхэдэ, бэе бээе хүндэлэн ажаһуудаг үндэһэ яһатанай, арадуудай хани барисаан гээшэ. Минии бэримни Яруунын аймагай Ульдэргэ нутагай...” гэжэ омогорхон хэлэһэн, эндэ гала-концертдэ сугларһан зоние хани халуунаар амаршалһан республикын соёлой министрэй орлогшо **С.А.Добрынин** тэмдэглээ һэн.

Уран гартанай выставкэ, бэлигтэй зоной шадабары харуулһан энэ хэмжээ ябуулгада үндэһэ яһатан бүхэн хабаадажа, бэрхэ артистнууд байһанаа гэршэлээ. Зүүн зүгэй арадай хатарай “Лотос” ансамблиин (хүтэлбэрилэгшэнь Татьяна Вампилова) гүйсэдхэһэн амаршалгын найхан буряад хатараар найр наадан эхилбэ, удаань тэрэниие “Багульник” гэнэн ород ансамбль хатараараа дэмжэбэ. “Даурия” гэнэн хасаг соёлой түбэй ансамбль уран бэлигтээ ташилсуулба. Татаарнуудай “Байкал-Идель” гэнэн ансамблиин хатаршад, олондо мэдээжэ “Станица” гэнэн ха-

сагуудай, хүүгэдэй “Булжамуур” ансамблиин эдир артистнууд халуун алыга ташалгаар үдэшгэдэһэн байна. “Душа России” гэнэн бүхэроссиин шанда хүртэгшэд-балетмейстернууд, “Булжамуур” гэнэн хүүгэдэй хатарай ансамблиин балетмейстер Людмила Овчинникова, харин “Лотосын” балетмейстер Татьяна Вампилова гэгшэд шадамар бэрхээр хүтэлбэрилнэ гэжэ онсолон тэмдэглэхээр.

Шэмээшэгүүдэй соёлой түбэй дэргэдэхи “Истоки” гэнэн ансамблиин хид найхан дуу, хатартая танилсуулһанай удаа “Зорянка” гэнэн үхибүүдэй ябадаг, шэнээр байгуулагданан бүлэгөө тайзанда уриба, бэлигтэй хүүгэдын уран шадабария харуулба. Энэ зундаа шэмээшэгүүдэй “Истоки” ансамбль ЮНЕСКО-гэй урилгаар “Белая гора” гэнэн фестивалда, мүн Саха (Яхад) Республикада тусхай программатаяа хабаадаһан юм.

Тиэхэдэ украин зоние түлөөлһэн “Барвинок” (Загарай), Тывагай оюутадай “Салгал”, ВСГУТУ-гай “Белый день”, Эрхүүгэй областиин Зимагай дэргэдэхи нютагһаа ерэһэн чуваш ансамбль, “Алтарганын” лауреат Арюна Лодоева гэгшэд олондо найшаагдаа. Уянгата хүгжэмтэй солонгос дуу Солонгосой түбэй түрүүлэгшэ Тамара Цой бэлэглээ. Эб нэгэн ажаһуудаг зоной дуунууд, хатарнууд хани барисаанай баяжуулна, бээлүүлнэ гэжэ энэ концерт гэршэлнэ гээд тэмдэглэхээр. “Эбтэй элээнүүд харсага диилэхэ” гэжэ арад зон зүб хэлсэдэг ха юм.

**Бэлигма ОРБОДОВА,
С.ДОНДОВОГАЙ
фото.**



“Гуа сэсэн хатан-2012” гэнэн конкурсно

УГАА УҢАНДА ХАЯАГҮЙ

Буряадай радиогой бэлиг шадабаритай журналист, долоон хоног бүхэндэ агаарай долгиндо зэдлэжэ байдаг хүгжэмтэ дамжуулгануудай хүтэлбэрилэгшэ, Буряад Республика болон бүхы орон соогоо мэдээжэ болонхой, сэбэр зохид хатан эхэнэр **ГОМБОЕВА Эржена Цырендоржиевна** тухай бэшэхэ хүсэлтэйб.

Шагнагшадай дура сэдхэлдэ дулаахан дамжуулганууды бэлдэдэг, зохоохы ажалаа үндэр хэмжээндэ бүтээжэ ябаһан Буряад Республикын соёлой габьяата хүдэлмэрилэгшэ, Россиин Журналистнуудай холбооной гэшүүн, ажалай ветеран, Буряад оронойнгоо бүхы нютагаар албанайнгаа хэрэгээр ябаһан, урагшаа ханаатай, эрмэлзэл эхэтэй энэ нүхэрнай 1949 ондо Улан-Үдэ хотодо мэдээжэ уран зохёолшо, журналист, соёлой министр ябаһан Дамдинжапов Цырен-Доржи Жанабадаревичай эбтэй зетэй гэр бүлэдэ түрэхэн намтартай. Түрэхэһөө азатай, багаһаа өөрсэ шуран, эрхэ бэрхые тааралдуулһан Эржена Буря-

адай хореографическа училищи дүүргээд, баледэй артистка мэргэжэлтэй болоод, театрай тайзан дээрэ зохоохы ажалаа эхилһэн байна. 1960-аад оноор Улаан-Үдын телевиденидэ хэдэн телефильмдэ наадаһан. Зүүн Сибириин гүрэнэй дээдэ һургуули дүүргэжэ, режиссёр мэргэжэлтэй боложо, телевиденидэ режиссёрой туһалагшаар, ассистентээр хүдэлжэ эхиллээ. Энэл үедэ үхибүүдэй, залуушуулай, хүгжэмэй дамжуулганууды бэлдэжэ эхилһэн юм. Иигээд лэ хори гаран жэлэй хугасаа соо хүгжэмтэ дамжуулганууды бэлдэжэ, зохоохы ажалдаа тон дүршэл эхэтэй болонхой.

Республикын, бүхэроссиин болон уласхоорондын олохон конкурс фестивалынуудта түрэл радиогоо түлөөлһэн байха, эрхимүүдэй тоодо орожо, олоной магтаалда хүртэһэн байдаг, жэшээлхэдэ, 2007, 2010 онуудта Бүхэроссиин журналистнуудай «Многоликая Россия», «Культура в эфире» конкурснуудай лауреат болоһон габьяатай. Тиэхэдэ олон тоото гүрэнэй болон олоной шагналда хүртэһэн юм.



Радиогой ажал хэрэгтэ ехэн нүлөө, өөрынгоо хубита оруулһан байна. Арадайнгаа хүгжэм, ёһо заншал, түрэл аман зохёол үргэн шагнагшадтаа хүргэдэг. Шадабаринь түрэл арадайнгаа аман зохёолой баялигай ашата шэмые багаханһаа сэдхэлдээ шэнгээһэнһэнь эхитэй. Буряадай радиогой долгиндо мэдээжэ композиторнууд А. Андреев, Б. Цырендашиев, В. Усович, Л. Санжиева, артистнууд, хатаршад тухай

тоогүй олон дамжуулга бэлдээ. Энэмнай олон хүнэй хэрэг, оператор, найруулагша, абья тааруулдаг найруулагша гээд хамта хүдэлнэ. Дамжуулга бэлдэхэдэ, һониншые, харюусалгатайшые гэжэ бултанда мэдээжэ. Ехэ тааража, амжалтатай хүдэлнэ, энэ ажалдаа дуратай, суг хүдэлдэг нүхэдөө, дамжуулгандань хабаададаг хүнүүдтэ тон хүндэтэйгөөр хандадаг, ажалаа ехэ сэгнэдэг. Ажалайнгаа, ажабайдалай хүгжэлтын ба ороо хүндэ дабаанууды зоримгойгоор дабаһан журналист, ухаатай сэсэн эхэнэр болоно.

Эхэ хүн үхибүүдээ найнаар хүмүүжүүлхэ гэжэ оролдог гээшэ ааб даа. Дмитрий, Светлана хүбүүн басаган хоёроо гарыень ганзагада, хүлыень дүрөөдэ хүргэжэ табья. Амтатайхан зээ басаган, аша хүбүүн хоёроо харалсажа байдаг.

Эржена Цырендоржиевна эршэ хүсэн дундаа, зохоохы ажалайнгаа охин соо, арадайнгаа зүрхэ сэдхэлдэ сэсэг тариха, урма баяр асаржа ябана. Олон тоото шагнагшадын найхан дуу хүгжэм шагнажа, досоогоо

уяруулдаг, баярладаг гээшэб. Арбаад жэлэй урда тээ хүгжэм болон журналистикые нэгэдүүлжэ, “Баян талын аялга” хүгжэм дуута радиожурнал анха түрүүшынхиеэ Буряадай гүрэнэй академическэ оперо болон баледэй театрай ендэр дээрэһээ дамжуулагдадаг болоһониинь тон найшаалтай. Эндэ ород хэлэн дээрэ Эржена Цырендоржиевна буряад хэлэн дээрэ Наталья Сульtimoва хоёрой аша габьяа сэгнээшгүй.

Ямбата аба, эжынгээ Хүндынь бүүхэн
налгаарайт,
Хүсэлжэ олоһон
зол жаргалын
Холбоо болгон

залгаарайт!
гэнэн М.Р. Чойбоновой шүлэгэй мүнрүүдээр Эржена Цырендоржиевнагай ажал хэрэгтэнь, ажабайдалдань зол жаргал, буянтай бурхантай, элүүр энхэ ябахыень олон шагнагшадай зүгһөө хүсэнэб.

Р.БАТОМУНКУЕВА,
Буряад Республикын соёлой габьяата хүдэлмэрилэгшэ, Россиин Журналистнуудай холбооной гэшүүн.



Table with 2 columns: Time and Program Name. Includes programs like «СТС», «ДОБРОЕ УТРО», «КОНТРОЛЬНАЯ ЗАКУПКА».

Table with 2 columns: Time and Program Name. Includes programs like «ГАЛИЛЕО», «ДО СУДА», «СУД ПРИСЯЖНЫХ».

Table with 2 columns: Time and Program Name. Includes programs like «ДО СУДА», «СУД ПРИСЯЖНЫХ», «ОКОНЧАТЕЛЬНЫЙ ВЕРДИКТ».

Table with 2 columns: Time and Program Name. Includes programs like «5 КАНАЛ», «СЕЙЧАС», «ПЛАНЕТЫ».

БАСАА Валера
Валя Г-да
Дондок УЛЗЫТУЕВАЙ
түрэн үдэртэ (декабриин 5)
Унахай эрьдэ басаган Угаана хубсага хунараа...

Четверг, 6

ПЕРВЫЙ КАНАЛ

Table with 2 columns: Time and Program Name. Includes programs like «ДОБРОЕ УТРО», «КОНТРОЛЬНАЯ ЗАКУПКА», «ЖЕНСКИЙ ЖУРНАЛ».

Table with 2 columns: Time and Program Name. Includes programs like «ЛЕГЕНДА О ТИЛЕ», «ЛАО-ЦЗЫ», «ВОЗВРАЩЕНИЕ ГРЕЧАНИНОВА».

Table with 2 columns: Time and Program Name. Includes programs like «ТИВИКОМ», «СЕРЕДИНА ЗЕМЛИ», «ЗУРХАЙ».

Table with 2 columns: Time and Program Name. Includes programs like «ГАЛИЛЕО», «ДО СУДА», «СУД ПРИСЯЖНЫХ».

БЭЭЫН ХОРОН
Нахаараа эм уугаагүй,
Нэгэше үдэжэ хэбтээгүй
Наян долоотой нагаса эжыэ
Нэгэтэ асарбаб ниислэл хотые харуулхые.

«РОССИЯ 1»

Table with 2 columns: Time and Program Name. Includes programs like «УТРО РОССИИ», «ВЕСТИ-БУРЯТИЯ», «ТАИНЫ СЛЕДСТВИЯ».

Table with 2 columns: Time and Program Name. Includes programs like «ЛЕГЕНДА О ТИЛЕ», «ЛАО-ЦЗЫ», «ВОЗВРАЩЕНИЕ ГРЕЧАНИНОВА».

Table with 2 columns: Time and Program Name. Includes programs like «ТИВИКОМ», «СЕРЕДИНА ЗЕМЛИ», «ЗУРХАЙ».

Table with 2 columns: Time and Program Name. Includes programs like «ГАЛИЛЕО», «ДО СУДА», «СУД ПРИСЯЖНЫХ».

БЭШЭГ
Амиды гүш даа, хүгшөөмни,
Амиды зандааб бишье,
Мэндые шамдаа хүргэнэби.
Сергей Есенин.

КУЛЬТУРА

Table with 2 columns: Time and Program Name. Includes programs like «ЕВРОНЬЮС», «НАБЛЮДАТЕЛЬ».

Table with 2 columns: Time and Program Name. Includes programs like «ЮМАЛА-2012», «ФЕСТИВАЛЬ ЮМОРИСТИЧЕСКИХ ПРОГРАММ».

Table with 2 columns: Time and Program Name. Includes programs like «ТОЧКА ЗРЕНИЯ», «ДОМ-2. LIVE».

Table with 2 columns: Time and Program Name. Includes programs like «5 КАНАЛ», «СЕЙЧАС», «ПЛАНЕТЫ».

Худалдаанаа эрьсэ
түргэдэнхэй.
Хаа- хаанагүй инноваци,
Хэлэхэ юумэнь модернизаци,

Пятница, 7

ПЕРВЫЙ КАНАЛ

Table with 2 columns: Time and Program Name. Includes programs like «ДОБРОЕ УТРО», «КОНТРОЛЬНАЯ ЗАКУПКА», «ЖЕНСКИЙ ЖУРНАЛ».

Table with 2 columns: Time and Program Name. Includes programs like «ЕВРОНЬЮС», «НАБЛЮДАТЕЛЬ», «ЮМАЛА-2012».

Table with 2 columns: Time and Program Name. Includes programs like «ТОЧКА ЗРЕНИЯ», «ДОМ-2. LIVE», «ИНТЕРНЫ».

Table with 2 columns: Time and Program Name. Includes programs like «5 КАНАЛ», «СЕЙЧАС», «ПЛАНЕТЫ».

Хуушаржа, хангираа
набтараа гү,
Хүрмүүлхэ оюулаар болоо гү?
Тугалтай үнэгээ бариһаар гүш,

«РОССИЯ 1»

Table with 2 columns: Time and Program Name. Includes programs like «УТРО РОССИИ», «ВЕСТИ-БУРЯТИЯ», «ТАИНЫ СЛЕДСТВИЯ».

Table with 2 columns: Time and Program Name. Includes programs like «ЛЕГЕНДА О ТИЛЕ», «ЛАО-ЦЗЫ», «ВОЗВРАЩЕНИЕ ГРЕЧАНИНОВА».

Table with 2 columns: Time and Program Name. Includes programs like «ТИВИКОМ», «СЕРЕДИНА ЗЕМЛИ», «ЗУРХАЙ».

Table with 2 columns: Time and Program Name. Includes programs like «ГАЛИЛЕО», «ДО СУДА», «СУД ПРИСЯЖНЫХ».

Хэн мание хайрлахаб даа
одоо.
Хэн мание хайрлахаб даа
одоо.




Үнэгэрхэн зүүн жэлэй агшан зүүр

2012 он – Россиин түүхын жэл

Аркадий БАТОМУНКУЕВАЙ проект



Байгал далай. Буряад гэр бүлэ архи нэрэжэ байна.



«Индийская гробница» гэнэн бүхы дэлхэйдэ суутай кинофильмнээ хэһэгтэ Ямын гол рольдо Валерий Инкижинов наадана.



«Шанхайская драма» гэнэн үран найханай фильмнээ хэһэгтэ баһал Валерий Инкижинов хабаадана

Срхүүгэй губернида багшын гэр бүлэдэ Валерий Инкижинов түрэнэн юм. 1915 ондо гимнази дүүргээд, Петроградай политехническэ институтта нурахаа ороһон байна. Мейерхольдын студияда ябадаг байгаа. "Инкижинов бидэниие, илангаяа Мейерхольдые гайхуулдаг хэн, тэрэ ехэ нугархай акробадай бэетэй байгаа. Эрээн гүрөөһэ, мийсгэеи хануулһан, нугархай хүдэлэсэтэй хэн", гэжэ актриса А.Смирнова-Искандер дурсаа хэн.

1920 ондо Инкижинов Москва зөөжэ, Лев Кулешовой мастерскойдо нурадаг, Мейерхольдын театрта хүдэлдэг, "Смерть Тарелкина" гэнэн жүжгэй найруулгада ассистентниинь байгаа. "Хүйтэншэг, томо таһалга соо бидэ Кулешовойдо суглардаг, тийн бүхы юумэндэ, кинодо, физкультурада, элидхэлнүүдтэ, эдэе хоол шаналгада хабаададаг хэмди, — гэжэ Инкижинов дурсана. — Нэгэ үглүүданы Пудовкин пантомима харуулдаг байгаа. Нүгөө тээнэ Эйзенштейн монтажна туршалга хэдэг хэн. Кулешов ерээжэ, ошоожо байха үедөө эндэнь зүбшэл заабари үгэдэг, нүгөө тээнэ алдуунуудыень заһадаг байгаа..."

1925 ондо Кулешовой "Веселая канарейка" гэнэн фильмдэ нэгэ багахан роль гүйсэдхөөд, Тарас Немчиновэй (тэдэнь хэд бэ гэхэдэ, Григорий Александров, Сергей Эйзенштейн), "Базар похоти" гэнэн фильмдэ буулгахаа бэлдэжэ байхадань, олон шалтагаанаар энэ фильм бүтээгүй бэлэй. Өөрөө режиссер боложо, "Расплата" (1926 он), "Вор" (1927 он), "Комета" (1929) гэнэн фильмүүдые буулгаһан юм, тэдэнь хадаглагдангүй, үгы болоһонинь харамтай.

Хүндэтэ уншагшад, хэрбээ хоморой фото-зурагуудтай наа, тэдэнээ редакцидамнай эльгээжэ, бүгэдын онорто дурадхыт гэжэ таанадтаа ханданабди. Айл бүхэнэй хадагалаанда иимэ баялиг олдохол байха. Тэдэнээ ерээдүйнгөө үеынхидтэ дамжуулаял.

Манай хаяг: 670000, Улаан-Үдэ хото, Каландаришвили, 23, каб.26; электрон хаяг: unen@mail.ru Тел.: 21-64-36.



Семья бурятъ Верхоленскаго уьзда
Une famille de bouriates du districh Verkholsk

Верхоленскиин буряадуудай бүридэлдэ бага үгүүд, онсолбол, шоно, абзай, олзон, баяндай, худаг сагаан, хадалай, буура, хамнигад, бахай, хоёбо, нэхэлэй, содо, хэрмэ, булуй, балтагай, баасай, харяатай, хуурай, эмхэнүүд, алагүй, хухурдай, миндалхай, хүрхүүд, харанууд, сагаан, хоридой, нагатай, галзууд, нохой ураг, хуасай, шарайд, сэгэнүүд, тугууд, хайтал, торгод, боронүүд, зунги, булга ураг, булгадай, минган, алаг, богол, нетун, согол, оторши, эрээн, дэглэй, лавхай, сазагай, дарбай ородог байгаа.

Верхоленскиин буряадуудай олонхинь эхирэдүүдтэй холбоотой юм. Эндэ мүн лэ булгад үгүүд оролсодог. Хори угайхид баһал оролсодог, юуб гэхэдэ, тэдэнэрэй зариманиинь Джунгарийаа анхан гараһан гэжэ урданай домогууд хөөрэнэ. Ойрад болон монгол үгүүдта хабаатай хүнүүд баһал бии.



«Бедствие фризоз» немец фильмдэ совет комиссарай рольдо наадана.

1928 ондо Всеволод Пудовкиной "Потомок Чингисхана" гэнэн фильмдэ гол роль гүйсэдхэжэ, бүхы дэлхэйдэ мэдээжэ болоһон байна.

1930 ондо Парижһаа СССР бусахаа арсаа хэн. "Битва" гэнэн Виктор Туржанскиин франко-английска фильмдэ (1933 он) роль гүйсэдхэһениинь Францида түрүүшын хүдэлмэри болоһон юм. Ехэ акценттэйгээр ородоор дуугардаг, мүн Зүүн зүгэй тодо образ харуулдаг байһаниинь зохёохы ажалдань гол нуури эзлээ бэлэй: Францида, Великобританида, Германида, Италида Зүүн зүгэй таабарита газарай индусууды, хитады, солонгос, япон

зоние наадаа. "Полицейское дело 909" (1933), "Шанхайская драма" (1938), мүн "Бедствие фризоз" (1935) гэнэн немец фильмдэ рольнууды гүйсэдхэбэ.

Ород темээр табигдаһан фильмүүдтэ, нэрлэбэл, "Волга в огне", "Михаил Строгов", "Триумф Михаила Строгова", «Врач из Сталинграда» фильмүүдтэ бэрхээр наадаһан байна.

Хариин оронүүдта 44 фильмдэ рольнууды бэрхээр наадаа. 1973 оной сентябриин 26-да Парижай дэргэдэхи хотодо наһа бараһан байна.

Бэлигма ОРБОДОЕВА оршуулба.

